

510 LIBER II. PARALIP. CAP. XXXIII.

9 Igitur Manasses seduxit Judam, & habitatores Jerusalem, ut facerent malum super omnes gentes, quas subverterat Dominus a facie filiorum Israel.

10 Locutusque est Dominus ad eum, & ad populum illius, & attendere noluerunt.

11 Idcirco superinduxit eis principes exercitus regis Assyriorum: ceperuntque Manassen, & vincitum catenis, atque compedibus duxerunt in Babylonem.

12 Qui postquam coangustatus est, oravit Dominum Deum suum: & egit paenitentiam valde coram Deo patrum suorum.

13 Deprecatusque est eum, & obsecravit intente: & exaudiuit orationem ejus, reduxisque eum Jerusalem in regnum suum, & cognovit Manasses, quod Dominus ipse esset Deus.

14 Post haec edificavit mūnum extra civitatem David ad Occidentem Gihon in convalle, ab introitu portæ piscium per circuitum usque ad Ophel, & exaltavit illum vehementer: constituitque principes exercitus in cunctis civitatibus Iuda munitis:

15 Et abstulit deos alienos, & simulacrum de domo Domini: aras quoque, quas fecerat in in monte domus Domini, & in Jerusalem, & proiecxit omnia extra urbem.

16 Porro instauravit altare Domini, & immolavit super illud victimas, & pacifica, & laudem: praecepitque Iudeæ, ut serviret Domino Deo Israel.

17 Attamen adhuc populus immolabat in excelsis Domino Deo suo.

18 Reliqua autem gestorum Manasse, & obsecratio ejus ad Deum suum: verba quoque Viduentium, qui loquebantur ad eum in nomine Domini Dei Israel, continentur in sermonibus regum Israel.

19 Oratio quoque ejus & exauditio, & cuncta peccata atque contemptus, loca etiam in quibus aedificavit excelia, & fecit lucos, & statuas antequam ageret paenitentiam, scripta sunt in sermonibus Hozai.

20 Dormivit ergo Manasses cum patribus suis,

&

LIBER II. PARALIP. CAP. XXXIV. 511

& sepelierunt eum in domo sua: regnavitque pro eo filius ejus Amon.

21 Viginti duorum annorum erat Amon cum regnare coepisset, & duobus annis regnavit in Jerusalem.

22 Fecitque malum in conspectu Domini, sicut fecerat Manasses pater ejus: & cunctis idolis, quæ Manasses fuerat fabricatus, immolavit atque servivit.

23 Et non est reveritus faciem Domini, sicut reveritus est Manasses pater ejus: & multo maiora deliquit.

24 Cumque conjurassent adversus eum servi sui, interfecerunt eum in domo sua.

25 Porro reliqua populi multitudo, cæsis iis qui Amon perceruerant, constituit regem Josiam filium ejus pro eo.

C A P U T XXXIV.

Josias idolorum cultu sublato, templum instaurat, repertoque legis libro conteritus est, ex illo præscripto omnia constituit, & convocato populo letoque libro fœdus cum Domino percussit.

1 O cto annorum erat Josias cum regnare cœperet, & triginta & uno anno regnavit in Reg. Jerusaleme.

2 Fecitque quod erat rectum in conspectu Domini, & ambulavit in viis David patris sui non declinavit neque ad dexteram, neque ad sinistram.

3 Octavo autem anno regni sui, cum adhuc esset puer, cœpit querere Deum patris sui David: & duodecimo anno postquam regnare coepit, mundavit Judam & Jerusalem ab excelsis, & lucis simulacrisque & sculptilibus.

4 Destruxeruntque coram eo aras Baalim: & simulacra, quæ superposita fuerant, demoliti sunt; lucos etiam, & sculptilia succidit atque comminuit: & super tumulos eorum, qui eis immolare conseruerant, fragmenta dispersit.

5 Offa præterea sacerdotum combussit in altaris idolorum, mundavitque Judam & Jerusalem.

Sed

6 Sed & in urbibus Manasse, & Ephraim, & Simeon, usque Nephthali cuncta subvertit.

7 Cumque altaria dissipasset, & lucos, & sculpitia contrivisset in frusta, cunctaque delubra demolitus esset de universa terra Israel, reversus est in Jerusalem.

8 Igitur anno octavo decimo regni sui, munda jam terra, & templo Domini, misit Saphan filium Eseliae, & Maasiam principem civitatis, & Joha filium Joachaz, a commentariis, ut instaurarent domum Domini Dei sui.

9 Qui venerunt ad Helciam Sacerdotem magnum: acceptamque ab eo pecuniam, quæ illata fuerat in domum Domini, & quam congregaverant Levitæ, & janitores de Manasse, & Ephraim, & universis reliquis Israel, ab omni quoque Juda, & Benjamin, & habitatoribus Jerusalem,

10 Tradiderunt in manibus eorum, qui preerant operariis in domo Domini, ut instaurarent templum, & infirma quæque sarcirent.

11 At illi dederunt eam artificibus, & camentariis, ut emerent lapides de lapicidinis, & ligna ad commissuras ædificii, & ad contignationem domorum, quas destruxerant reges Juda.

12 Qui fideliter cuncta faciebant. Erant autem præpositi operantium, Jahath & Abdias de filiis Merari, Zacharias & Mosollam de filiis Caath, qui urgebant opus: omnes Levitæ scientes organis canere.

13 Super eos vero, qui ad diversos usus opera portabant, erant scribæ, & magistri de Levitis janitores.

14 Cumque efferrent pecuniam, quæ illata fuerat in templum Domini, reperit Helcias sacerdos Librum legis Domini per manum Moysi.

15 Et ait ad Saphan scribam: Librum legis inveni in domo Domini. Et tradidit ei.

16 At ille intulit volumen ad regem, & nuntiavit ei, dicens: Omnia quæ dedisti in manus servorum tuorum, ecce complentur.

17 Argentum, quod repertum est in domo Domini-

mini, conflaverunt: datumque est præfictis artificum, & diversa opera fabricantium.

18 Præterea tradidit mihi Helcias sacerdos hunc librum. Quem cum rege præfente recitasset,

19 Audissetque ille verba legis, scidit vestimenta sua:

20 Et præcepit Helcias, & Ahicam filio Saphan, & Abdon filio Micha, Saphan quoque scribæ, & Afaæ servo regis dicens:

21 Ite, & orate Dominum pro me, & pro reliquis Israel, & Juda, super universis sermonibus Libri istius, qui repertus est: magnus enim furor Domini stillavit super nos, eo quod non custodierint patres nostri verba Domini, ut facerent omnia quæ scripta sunt in isto volumine.

22 Abiit ergo Helcias, & hi qui simul a rege missi fuerant, ad Oldam prophetidem uxorem Sellum filii Theecuath, filii Hafra custodis vestrum, quæ habitabat in Jerusalem in Secunda: & locuti sunt ei verba, quæ supra narravimus.

23 At illa respondebat eis: Hæc dicit Dominus Deus Israel: Dicite viro, qui misit vos ad me:

24 Hæc dicit Dominus: Ecce ego inducam mala super locum istum, & super habitatores eius, cunctaque maledicta, quæ scripta sunt in Libro hoc, quem legerunt coram rege Juda,

25 Quia dereliquerunt me, & sacrificaverunt diis alienis, ut me ad iracundiam provocarent in cunctis operibus manuum suarum, idcirco stillabit furor meus super locum istum, & non extinguetur.

26 Ad regem autem Juda, qui misit vos pro pro Domino deprecando, sic loquimini: Hæc dicit Dominus Deus Israel: Quoniam audisti verba voluminis,

27 Atque emollitum est cor tuum, & humiliatus es in conspectu Dei super his, quæ dicta sunt contra locum hunc. & habitatores Jerusalem, reveritusque faciem meam, scidisti vestimenta tua, & flevisti coram me: ego quoque exaudiui te, dicit Dominus

28 Jam enim colligam te ad patres tuos, & infereris in sepulchrum tuum in pace: nec vide-

514 LIBER II. PARALIP. CAP. XXXV.

bunt oculi tui omne malum, quod ego inductus sum super locum istum, & super habitatores ejus. Retulerunt itaque regi cuncta quae dixerat.

29 At ille convocatis universis majoribus natu Juda & Jerusalem,

30 Astendit in domum Domini, unaque omnes viri Juda & habitatores Jerusalem, Sacerdotes & Levitæ, & cunctus populus a minimo usque ad maximum. Quibus audientibus in domo Domini, legit rex omnia verba voluminis:

31 Et stans in tribunali suo, percussit foedus coram Domino, ut ambularet post eum, & custodiret præcepta, & testimonia, & justificatiōnes ejus in toto corde suo, & in tota anima sua, faceretque, quæ scripta sunt in volumine illo, quod legerat.

32 Adjuravit quoque super hoc omnes, qui reperti fuerant in Jerusalem, & Benjamin: & fecerunt habitatores Jerusalem, juxta pactum Domini Dei patrum suorum.

33 Abstulit ergo Josias cunctas abominationes de universis regionibus filiorum Israel: & fecit omnes, qui residui erant in Israel, servire Domino Deo suo. Cunctis diebus ejus non recesserunt a Domino Deo patrum suorum.

CAPUT XXXV.

Immolato Phase maxima cum solemnitate plurimisque viëtimis, Josias festum aymorum septem diebus celebravit: deinde contra regem Ægypti pugnare tentans, graviterque vulneratus, moritur cum ingenti omnium luetu, & praesertim Jeremias propheta.

^{4 Reg.} ^{23. 21.} **I**Fecit autem Josias in Jerusalem Phase Domino, quod immolatum est quartadecima die mensis primi:

2 Et constituit Sacerdotes in officiis suis, horatibusque est eos ut ministrarent in domo Domini,

3 Levitis quoque, ad quorum eruditionem omnis Israel sanctificabatur Domino, locutus est: Ponite arcam in sanctuario templi, quod ædificavit Salomon filius David rex Israel; nequaquam enim eam ultra portabitis: nunc autem ministrata-

LIBER II. PARALIP. CAP. XXXV. 515

strate Domino Deo vestro, & populo ejus Israel.

4 Et præparate vos per domos, & cognationes vestras, in divisionibus singulorum, sicut præcepit David rex Israel, & descripsit Salomon filius ejus.

5 Et ministrate in sanctuario per familias turmasque Leviticas,

6 Et sanctificati immolate Phase: fratres etiam vestros, ut possint juxta verba, quæ locutus est Dominus in manu Moyfi, facere, præparate.

7 Dedit præterea Josias omni populo, qui ibi fuerat inventus in solemnitate Phase, agnos & hædos de gregibus, & reliqui pecoris triginta millia, boum quoque tria millia. Hæc de regis universa substantia.

8 Duces quoque ejus, sponte quod voverant, obtulerunt, tam populo, quam Sacerdotibus & Levitis. Porro Helcias, & Zacharias, & Jahiel principes domus Domini, dederunt Sacerdotibus ad faciendum Phase pecora commixtim duo milia sexenta, & boves trecentos.

9 Chonenias autem, & Semeias, etiam Nathanael fratres ejus, nec non Hasabias, & Jehiel, & Jozabad principes Levitarum, dederunt cæteris Levitis ad celebrandum Phase quinque millia pecorum, & boves quingentos.

10 Præparatumque est ministerium, & stetérunt Sacerdotes in officio suo: Levitæ quoque in turmis, juxta regis imperium.

11 Et immolatum est Phase: asperseruntque Sacerdotes manu sua sanguinem, & Levitæ draxerunt pelles holocaustorum:

12 Et separaverunt ea, ut darent per domos & familias singulorum, & offerrentur Domino, sicut scriptum est in Libro Moyfi: de bobus quoque fecerunt similiter.

13 Et astaverunt Phase super ignem, iuxta quod in lege scriptum est: pacificas vero hostias coixerunt in lebetibus, & cacabis, & ollis, & festinato distribuerunt universæ plebi:

14 Sibi autem, & Sacerdotibus postea paraverunt: nam in oblatione holocaustorum & adipsum usque ad noctem Sacerdotes fuerunt occipi-

Kk 2 pati:

pati: unde Levitæ sibi, & Sacerdotibus filii Aaron paraverunt novissimis.

15 Porro cantores filii Asaph stabant in ordine suo, juxta præceptum David, & Asaph, & Heman, & Idithun prophetarum regis: Janitores vero per portas singulas observabant, ita ut nec puncto quidem discederent a ministerio: quam ob rem & fratres eorum Levitæ paraverunt eis cibos.

16 Omnis igitur cultura Domini rite completa est in die illa, ut facerent Phæse, & offerrent holocausta super altare Domini, juxta præceptum regis Josiæ.

17 Feceruntque filii Israel, qui reperti fuerant ibi, Phæse in tempore illo, & solemnitatem azymorum septem diebus.

18 Non fuit Phæse simile huic in Israel a diebus Samuelis prophetæ: sed nec quisquam de cunctis regibus Israel fecit Phæse sicut Josias, Sacerdotibus, & Levitis, & omni Iudea & Israel qui repertus fuerat, & habitantibus in Jerusalem.

19 Octavo decimo anno regni Josiæ hoc Phæse celebratum est.

* 4. Reg. 20 * Postquam instauraverat Josias templum, ascendit Necho rex Ægypti ad pugnandum in Charamis juxta Euphraten: & processit in oecursum ejus Josias.

21 At ille, missis ad eum nuntiis, ait: Quid mihi & tibi est rex Juda? non adversum te hodie venio, sed contra aliam pugno domum, ad quam me Deus festinato ire præcepit: desine adversum Deum facere, qui tecum est, interficiat te.

22 Noluit Josias reverti, sed præparavit contra eum bellum, nec acquevit sermonibus Necho ^{* Zackay.} ex ore Dei: * verum perrexit, ut dimicaret in campo Mageddo.

23 Ibique vulneratus a sagittariis, dixit pueris suis: Educite me de prælio, quia oppido vulneratus sum.

24 Qui transtulerunt eum de curru in alterum currum, qui sequebatur eum more regio, & asportaverunt eum in Jerusalem, mortuusque est,

&

& sepultus in mausoleo patrum suorum: & universus Iuda & Jerusalem luxerunt eum,

25 Jeremias maxime: cuius omnes cantores atque cantatrices, usque in præsentem diem lamentationes super Josiam replicant, & quasi lex oblinuit in Israel: Ecce scriptum fertur in lamentationibus.

26 Reliquæ autem sermonum Josiæ & misericordiarum ejus: quæ lege præcepta sunt Domini:

27 Opera quoque illius prima & novissima, scripta sunt in Libro regum Iuda & Israel,

C A P U T X X X V I .

Josia succedit ejus filius Joachaz, quem Necho rex Ægypti transfert in Ægyptum, fratremque Eliakim quem Joakin nominat, substituit: quo in in Babylonem ducto a Nabuchodonosor, regnat filius Joachim; & hunc rex Assyriorum una cum vaiges templi in Babylonem abducit, patrumque illius impium Sedeciam substituit: qui Assyri rebellans, templo ac Jerusalem incensus, transfertur una cum populo in Babylonem, propter regum & populi peccata; donec per Cyrus regem Persarum primo anno regni ejus redeundi datur facultas.

1 T^h Ulit ergo populus terra Joachaz filium Joachaz ^{* Reg. 23. 35.}, & constituit regem pro patre suo in Jerusalem,

2 Viginti trium annorum erat Joachaz cum regnare coepisset, & tribus mensibus regnavit in Jerusalem.

3 Amovit autem eum rex Ægypti, cum venisset in Jerusalem; & condemnavit terram centum talentis argenti, & talento auri.

4 Constituitque pro eo regem, * Eliakim frater ejus, super Judam & Jerusalem: & vertit nomen ejus Joakin: ipsum vero Joachaz tulit secum, & abduxit in Ægyptum.

5 Viginti quinque annorum erat Joakin cum regnare coepisset, & undecim annis regnavit in Jerusalem: fecitque malum coram Domino Deo suo.

6 Contra hunc ascendit Nabuchodonosor rex Chaldaeorum, & vincitum catenis duxit in Babylonem.

Kk 3

7

7 Ad quam & vasa Domini transtulit, & posuit ea in templo suo,

8 Reliqua autem verborum Joakim, & abominationum ejus, quas operatus est, & quæ inventa sunt in eo, continentur in Libro regum Juda & Israel. Regnavit autem Joachin filius ejus pro eo.

9 Octo annorum erat Joachin cum regnare coepisset, & tribus mensibus, ac decem diebus regnavit in Jerusalem, fecitque malum in conspectu Domini.

10 Cumque anni circulus volveretur, misit Nabuchodonosor rex, qui adduxerunt eum in Babylonem, asportatis simul pretiosissimis vasis domus Domini. * Regem vero constituit Sedeciam patrum ejus super Judam & Jerusalem.

* 4. Reg. 24. 17. Jerem. 27. I. 11 Viginti & unius anni erat Sedecias cum regnare coepisset, & undecim annis regnavit in Jerusalem.

12 Fecitque malum in oculis Domini Dei sui, nec erubuit faciem Jeremiæ prophetæ, loquentis ad se ex ore Domini,

13 A rege quoque Nabuchodonosor recessit, qui adjuraverat eum per Deum: & induravit cervicem suam & cor, ut non reverteretur ad Dominum Deum Israel.

14 Sed & universi principes sacerdotum, & populus, prævaricati sunt inique juxta universas abominationes Gentium, & polluerunt domum Domini, quam sanctificaverat sibi in Jerusalem.

15 Mittebat autem Dominus Deus patrum suorum ad illos per manum nuntiorum suorum de nocte consurgens, & quotidie commoneus, eo quod parceret populo & habitaculo suo.

16 At illi subfannabant nuntios Dei, & parviperdebant sermones ejus, illudebantque prophetis, donec ascenderet furor Domini in populum ejus, & esset nulla curatio.

17 Adduxit enim super eos regem Chaldaeorum, & interfecit juvenes eorum gladio in domo sanctuarii sui: non est misertus adolescentis, & virginis, & senis, nec decrepiti quidem, sed omnes tradidit in manibus ejus.

18 Universaque vasa domus Domini tam magiora, quam minora, & thefauros templi, & regis, & principum, transtulit in Babylonem.

19 Incenderunt hostes domum Dei, destruxeruntque murum Jerusalem, universas turres combuserunt, & quidquid pretiosum fuerat, demoliti sunt.

20 Si quis evaserat gladium, ductus in Babylonem servivit regi & filiis ejus, donec imperaret rex Persarum.

21 Et completerut sermo Domini ex ore Jeremiæ, & celebraret terra sabbata sua: cunctis enim diebus desolationis egit sabbatum, usque dum completerentur septuaginta anni.

22 * Anno autem primo Cyri regis Persarum * 1. Ed. ad explendum sermonem Domini, quem locutus L. 26. 3. fuerat per os Jeremiæ, suscitavit Dominus spiritus Jerem. 25. 12. & 29. tum Cyri regis Persarum, qui iussit praedicari in 10. universo regno suo, etiam per scripturam, dicens:

23 Hæc dicit Cyrus rex Persarum: Omnia regna terra dedit mihi Dominus Deus cœli, & ipse præcepit mihi, ut ædificarem ei domum in Jerusalem, quæ est in Judæa; quis ex vobis est in omnibus populo ejus? fit Dominus Deus suus cum eo, & ascendat.

Finis Tomi Secundi.



FONDO BIBLIOTECÀ PUBLICA
D. ... M. ... V. ... M. ... IO LEON

THE HISTORY OF THE
LITERATURE OF ENGLAND.
BY JAMES THOMAS SMITH,
LATE MEMBER OF THE ROYAL SOCIETY,
AND PROFESSOR OF ENGLISH LITERATURE
IN THE UNIVERSITY OF CAMBRIDGE;
AND AUTHOR OF A HISTORY OF ENGLISH LITERATURE,
A HISTORY OF ENGLISH POETRY, & OTHER WORKS.
WITH AN APPENDIX, CONTAINING A HISTORY OF
ENGLISH LITERATURE, AND A HISTORY OF
ENGLISH POETRY, FROM THE TIME OF
SHAKESPEARE TO THE PRESENT DAY.
AND AN APPENDIX, CONTAINING A HISTORY OF
ENGLISH LITERATURE, AND A HISTORY OF
ENGLISH POETRY, FROM THE TIME OF
SHAKESPEARE TO THE PRESENT DAY.



ROYAL LIBRARY LONDON
G. C. 1800

